

藏經書院版

卍
續藏經

第 88 冊

中國撰述

大小乘釋經部

新文豐出版公司
印行

正續藏經.——臺一版.——臺北市：新文豐，[民82
-]

冊；公分

ISBN 957-17-0665-5（一套：精裝）

——ISBN 957-17-1203-5（第八八冊：精裝）

1.藏經

221.08

82000521

所
有



版
權

印發
刷行
所及

新文豐出版
股份有限公司

發行人
高
本
釗

編輯者
藏
經
書
院

新
正續藏經
全一五二冊
第八八冊

精裝一冊基價一五·五五元正

中華民國八十四年四月台一版三刷

公司：臺北市雙園街九十六號
電話：三〇六〇七五
門市部：臺北市羅斯福路一段二〇八號
電話：三五一五九三
台北郵政特准掛號認爲新聞紙類
登記證：警字第一四四九號
郵政劃撥：三五六八〇七六
傳真：三〇二二三八七〇

22090200（精：一套）

22090288（精：第八八冊）

佛尼牟迦釋師本無南



卍續藏經 第八十八冊目錄

新文豐出版公司影印卍續藏經會編印

中國撰述 大小乘釋經部

大周經玄義 一卷	唐靜居勅撰	0001
華嚴經文義記 卷六	唐靈裕集記	0005
華嚴經疏注 一百二十卷之內自一至七十五卷 但欠卷二十一至七十	唐澄觀述	0037
華嚴經疏注 一百二十卷之內自七十六至一百卷 但欠卷九十一至一百	宋淨源錄疏注經 唐澄觀述	0383
華嚴經疏注 一百二十卷之內自百一至百二十卷 但欠卷百十一、百十二	宋淨源錄疏注經 唐澄觀述	0573
注華嚴經合論纂要 三卷	明方澤纂	0706
華嚴經綱目貫攝 一卷	清永光錄集	0801
華嚴經三十九品大意 一卷	清永光敬錄	0825
華嚴經普賢行願品疏科 一卷	宋遵式治定	0845
楞嚴經箋 二十卷之內自一至四卷	宋惟愍科可度箋	0858

皇帝降誕日於麟德殿講大方廣佛華嚴經玄義一部

大安國寺沙門 靜居 謹上

此經七處九會三十九品凡八十卷第一菩提場會經六品一世主妙嚴品五卷二如來現相品一卷三普賢三昧品四世界成就品兩品共一卷五華藏世界品三卷六毗盧遮那品一卷第二普光明殿會經六品七如來名號品八四聖諦品兩品共一卷九光明覺品十菩薩問明品兩品共一卷十一淨行品十二賢首品兩品共二卷第三須彌山頂會經六品十三昇須彌山頂品十四須彌頂上偈讚品十五住品三品共一卷十六梵行品十七初發心功德品兩品共一卷十八明法品一卷第四夜摩天宮會經四品十九昇夜摩天宮品二十夜摩宮中偈讚品二十一十行品三品共二卷二十二無盡藏品一卷第五兜率天宮會經三品二十三昇兜率天宮品一卷二十四兜率宮中偈讚品二十五迴向品兩品共十一卷第六他化自在天會經一品二十六十地品

六卷第七重普光明殿會經十一品二十七十定品四卷二十八十通品二十九十忍品兩品共一卷三十阿僧祇品三十一如來壽量品三十二諸菩薩住處品三品共一卷三十三佛不思議法品兩卷三十四如來十身相海品三十五如來隨好光明功德品兩品共一卷三十六普賢行品一卷三十七如來出現品三卷第八再重普光明殿會經一品三十八離世間品七卷第九逝多林會經一品三十九入法界品二十一卷

題云大方廣佛華嚴者大方廣法也佛華嚴人也又大以體遍爲義方廣用周得名依體起用名大廣佛者證說之人華嚴修因嚴果經證彼義故云大方廣佛華嚴經此經總七處九會三十九品共八十卷初會在菩提場阿蘭若法經有六品明佛果德毗盧遮那初成正覺十方衆主如大自在天王并菩薩等共四十衆同類眷屬各刹塵數咸至會中故有世主妙嚴品海會既集佛現真儀則有如來相品真相離相非小菩薩之所能觀故普賢大士入自在定證佛

境界則有普賢三昧品。佛有依報。就依報中。先辨能具因緣。則有世界成就品。次明所依。利海則有華藏世界品。依報既彰。宏麗正果。屬在尊嚴。故有毗盧遮那品。又此第一會。為信樂之境。

第二會不離菩提場。受龍宮請名。普光明殿會。經有六品。辨信者之心。佛應衆生。先現三業約身業。以立稱。則有如來名號品。約語業。以闡教。則有四聖諦品。約意業。以警衆。則有光明覺品。欲生正信。先須正解。故有菩薩問明品。解而不行。如說食求飽。足以立行。以解解故。有淨行品。因行以成德之。為衆善之元。故有賢首品。此第二會。雖明正信。未立慧根。如彼輕毛。隨風無定。

第三不離菩提場。受天王請昇。切利天宮會。經有六品。生正慧根。昇切利天宮。化主赴衆。切利天宮。偈讚品。助化讚德。此之二品。當會由常十住品。辨住中之解。梵行品。明住中之行。發菩提心功德品。彰住中之德。此之三品。當會正說明法。一品當會。造此會正慧既明。

如字原本
字體未詳

依聲

唯聲

口聲

口聲

意聲

一作提

第四不起菩提場。昇夜摩天宮會。經有四品。託彼慧根。生其正行。昇夜摩天宮品。應物合。如夜摩宮中。偈讚品。德無不備。此之二品。當會與彼十行品。正辨成行。十無盡藏品。攝行進。此後會雖立根莖。而枝葉未布。

第五不起菩提場。昇兜率天宮會。經有三品。明迴向。願遍衆生。界普蔭。無唯昇兜率天宮品。明於佛有感。必。兜率宮中。偈讚品。表於衆無德。不稱十迴向品。即當會正說。言迴向者。迴自向他。迴小向大。迴事向理。由三迴向。證彼三身。前五會住極三賢。

第六不動菩提場。應他化自在天宮會。經有一品。登於十聖明十地。住又賢者善也。聖者正也。所言三者。十住為下。賢約慧斷。惠以標名。十行為中。賢約修進。善以立稱。十迴向為上。賢約自利利他。為勝。願故有三賢矣。然地有生成之義。表此無漏聖智能生菩薩成佛果德。故如地也。背凡登聖。斷障證真。創生佛家。故名歡喜。二離垢地。者淨修三業。如火鍊金。離悞犯戒垢。故名離垢。三發光地。者修證禪定。能現神通發。

妙慧光故名發光四燄慧者定能起慧以三十七品無漏慧火燒煩惱薪故名焰慧五難勝地者眞俗二智行相平達合令相應故名難勝六現前地者般若正智了十二因緣拔無明根入三解脫法空眞理明現在前故名現前七遠行地者常住三昧不礙起用出過有無下位莫測前之六地人天二乘猶許共行今此獨起故之遠行八不動地者證無生忍不爲相用功行所動蒙佛七勸因起十身相作及十自在法駛流中任運而轉不假作意故名不動九善慧地者前證法體今此起用專學法王宴寢語默具四十無礙辨之衆生相爲大法師無求不應故名善慧十法雲地者大法智雲能隔塵惑諸佛法雨悉能受爲復以法雨遍屬群品故名法雲又初二三地同人天行四五六地同二乘行第七一地同大乘行八九十地入一乘行故有十聖矣

第七不動菩提場重會普光明殿經有十一品前明三賢十聖行位將終今此因圓果滿也十定品修十三昧證有即非有十通品十慧發明知空即不空十

◆或疑影。好一作行。

忍品定慧均平空有一貫阿僧祇品能數既多算不可及明之德廣也如來壽量品堅窮來際菩薩住處品橫遍十方此上六品並是菩薩地位功德即等覺因成下之五文理雙融妙覺果滿將成妙覺先證妙法故有佛不思議法品妙法既立必成妙身故有十身相海品大相既成次明好德則有隨好光明功德品津梁既備濟渡爲功益物無偏則有普賢行品普賢在心須呈果相則有如來出現品

◆補入當字

◆補入入字

第八不離前處再會普光明殿經有一品名離世間謂前七會以差別法而生其解當會約仗解成圓融行所以普慧菩薩起二百問普賢菩薩二千行答難修諸行之法無性非相既遷恒在世間名離世間第九不動寂滅道場而現逝多林會經有一品名入法界謂前離世間今入法界明證也佛入師子頻申三昧欲令大衆頓證普門故所以文殊大士出善住闍行化南方於福城東古佛塔所會進多衆發菩提心唯有善財童子歷一百一十城遇善知識各得三昧解脫門終至普賢菩薩於一一毛端頓證解脫含

同果海

又此九會第一會舉所信之佛第二會能信之心第三會依信生解第四會依解起行第五會依行發願第六會三賢位極聖地將登第七會中攝因成果第八會有無雙混非真妄之可分第九會境智一如豈筌蹄之所及又總言之初會舉依正兩報爲所信佛第九會明其信者能成佛人則初末兩會合是一義則題中佛字也從第二會至第八會則彼佛因則題中華字也因有階降故中七會以則之果無分限唯一佛以證之嚴者以願行之華因嚴彼法身之佛果也又佛華嚴是能傳法之人大方廣是所傳教之法以法成人先云大方廣也以人傳法故云佛華嚴也人中攝因成果唯佛也法中攝用歸體唯大也大是所證之法界佛是能證之大智佛之與大如光空空外無光大外無佛空光一體佛冥契不可分也心緣莫到言說不及能詮此義故以爲經此乃因理故成教因教以見理經云如因日光照還見於日輪因佛智慧光見佛所行道以佛常故經法亦常所以然者

◆則聲明

◆則聲明

未曾有日捨於光明經云闍浮提人隔須彌山見日出沒日中住者常隨於日無有出沒凡隔無明見佛隱現諸大菩薩常隨於佛無有隱現日輪是體光明爲用未曾有體而不具用由有光用行者見道所作成辦佛法亦爾則體演法爲用未曾有佛而不說經由聞思法知出離道修戒定慧悉得成就經云如有大經卷量等三千界在於一塵內一切塵亦然有一聰慧人淨眼普明見破塵出經卷廣饒益衆生故云大方廣佛華嚴經但文義深難可備陳隨分見聞蓋爲稱讚儻一句一偈與理相應伏願福祐無疆上資聖壽

貞元八年四月二十一日安國寺沙門靜居進上

辛酉秋七月初三日依高山寺古藏內所傳本書

寫之初六日一校畢

西山梅村住菴善妙寺道棟書

華嚴時文義記卷第六

師子奮迅城童女彌多羅尼第十

經卷第四
十九
師子奮迅

灌頂之土相是自在起用無礙故名□□□□若實
慧納受聖職名曰童女法名波若莊嚴法門也恭敬
心者能求之念也好樂等者教順之法也就所順中
大乘者名總句求諸已下名曰別也就其別中初兩
句明護小乘心次觀法二句明護煩惱心至三世已
下七句明依心起行就其行中三世一句解了一句
決定一句住無一句此四句明依心生解次不違一
句決定一句住如一句此三句明依解興行滅一切
妄想等一句是住如之差別也

就自陳來意中亦有三問三答初明其體次顯其名
境界者用也就其用中約唯總別二門謂普門是總
所謂佛利已下名別就此別中有一百一十七陀羅
尼就此一百一十七之初之八門明信法差別次功
德陀羅尼已下十門明自行方便法三從業陀羅尼
已下有三十八門明利他方便法四從無礙實際陀

教羅就

羅尼已下有六門明自成就法五從世門法陀羅
尼已下有十八門明利他成就法六從分別佛身陀
羅尼已下有二十七門明自他行極大用自在無礙
之義也心如虛空者總也餘句別也謂入深一句安
住二句具足三句智慧四句得無礙五句住無礙六
句善能七句行世間八句善巧九句於一切時十句
敢此十句中初明解方便第二句行方便次四句明
解成就末後四句明行成就

救度國比丘善現第十一

自此已下是第二大段明因漸行成就故堪為知識就
此段中初十位明自分行成就故堪為知識第二十階
明他分方便行成就故堪為知識凡自分者正是十行
之一位也歡喜行之淨土堪能濟物名曰救度出則
以物濟世名曰善現法名隨順菩薩莊嚴法門也正
念思惟者名曰總句餘十一句名曰別也地者猶地
法也行者心行心流者心行從緣用在非一也用而
外照名曰智光光之所照名曰性也語法者明光照
法性故則成外業之用也圓滿者正報法也無間者

依報法也。出家日近者。蓋是十行之初故也。就不知法中初三句明法身體相用。次具妙三句明報身體相用。真金六句明應身體相用也。

輪那國童子名釋天主第十二

戒行清淨。離此塵相。名曰釋天主。土土之名義未詳其致也。法名摩子算印。此外論爲所求也。又殊教我者。明此三法皆是波若之別門。此卽法體也。我因已下。明一法一切法卽是相也。善男子已下。明於用也。菩薩算數者。明出世數法也。知沙等者。廣明用相也。

海住國優婆夷名自在第十三

無慧之士。寬而不動名海住。忍欲結已。緣所不壞名曰自在。法名無盡功德藏莊嚴法門。故以一食之施。能飽及於塵衆也。直心一句。彌廣二句。竿數三句。淨法四句。智慧五句。分別六句。於三七句。出生八句。得大九句。斷三十句。此正是依心生解。乃至成行也。日能生長月則除熱。山便高而集衆。海則寬而容寶。蓋以知識具此德故。故須廣求如海吞流也。龍王者。況於樂友受教心成大寶山者。明教能生寶。故須愛也。

金經卷第五

次以善已下。明知識之教有利他之用也。此皆就教故。異前吞流也。善提心者。總也。餘之十四名曰別也。害敵兩心。明無瞋也。慳幻詔貪。此之四句。明無貪也。瞋忘無平。四心差別。明無癡也。餘之四心。明三毒既除。卽成行亦備也。慈者。涅槃心。益者。除暴心。無求欲者。戒行究竟也。若直對貪瞋。有方便畢竟四門以說者。則義亦無嫌也。就二十八同。中初句是總。餘者名別。又就別中。初之九同。辨於同。因次境界已下。十三句。明同體亦極。就同體中。初之六同。論於解。具次精進七同。就行以彰同體。又此二門各有方便成熟二門之別也。次同清淨業不違已下。五同。明三業自在。以成同果也。功德藏者。總也。如隨意已下。別也。就其別中。一令物發願。二除苦。次四句。能令衆生解行兩成集。亦斯斷也。

大興城長者甘露頂第十四

精進之士。熾燃無崖。名曰大興城。進退合儀。名曰長者。無盡之旨。納在心首。名甘露頂。法名如意藏功德法門。思惟故觀察。觀故往趣。趣故能登。登故攝受。攝

故能盡盡故度。竟度故清淨。清淨故遍觀。遍觀故心從法轉。心從法轉。故一顯常。顯成教證。兩智就到淨土境界中。初明周遍推求長者法。身次樂求已下。廣明推求之行。廣明中初二句明樂求之心。由習而生。二於善知識已下。七句廣明所生行相不同。三雖不由他已下。九句明於善財知行出自本而相從始發。故須習近也。九句者不由一句淨脩。三增長。三成就。四滿足。五大悲。六一切智。七普賢。八如來。九也。

師子重闍城長者法寶周羅第十五

離癡亂之土。決定勝出名師子重闍城。定合深旨。名曰法寶長者之名。不異前釋法名。滿足大願也。九功德藏者。亦唯總別之二門也。開彼者。法來從心也。觀彼者。卽心而成照也。圓淨者。有垢皆盡。攝彼者。契成已用。出生者。一用一切用。然此長者。正以體寂。眞定淨土爲家。故乃其中有十重之法門也。此猶似八未曾有之別義。迴向三處者。謂除貧一見佛菩薩。二聞法三。也不可壞法身者。菩薩法身也。法雲者。口業差別也。

實利根國普門城長者普眼妙香第十六

善現之士。徹窮本性。名實利根。緣無不攝。名普門城。眞戒以資慧眼。名普眼妙香。法名令一切衆生歡喜。普門法門也。就長者答中。初寄除物病。明攝生戒具。二我又善知已下。托和香供養。顯善戒亦集就前句中。初明識病以處治。二除其已下。明將養合儀。三我以如是已下。明療功周畢。妙稱物情也。就攝善法戒中。初辨香相。二燒此已下。明因香以成順行也。一丸者。明少尙曠。周多則宜然也。

滿幢城滿足王第十七

不着之土。勝出方便。名滿幢城。無著自在。名滿足王。法名幻化法門。喜樂二心。初地淨者。二地滅者。三地廣與莊嚴。二心四地也。無著等。三五地也。見諸一心六地也。自在者。七地順法。二心八地也。見等。三心十地也。調伏者。折伏也。教化者。愛語說法也。愍念者。悲心也。度者。行教也。

善光城大光王第十八

尊重之土。照無不朗。名善光照。勝於前目。曰大光王。

顯得之始終二從善男子我住此行已下汎明三昧用相差別三從善男子且待已下對事交現以顯用相不虛之義就前汎明中初明令物起趣道方便心二我以如是已下明此三昧能令衆生正行成立三此城衆生已下明眞道究竟隨見不同四此城衆生已下結益歸本謂三昧故然

安住城不動優婆夷第十九

善法之士劫所不遷名曰安住智力自在魔不能制名曰不動優婆夷法名無壞法門就第二進涉脩途中初明標心居定二爾時善財已下正明進行之相三如是悲心念時已下明善財心至仰感聖接不倦之義四爾時善財從智慧已下明於善財既蒙聖接則進行前路究竟之義就第二善財進行中初六思惟明奉教不違二從作是思惟已下九心明得法除慢成潤益之義三復作是念已下七句明發悟緣生知見善友成益之義四從念善知識已下十念明知識事要交益不虛之義七句者出生一起菩薩二出

◆經卷第五
十一

生三見佛四分別五出生六長養七若直就出生以爲三句者則義亦無嫌就十念中初五明方便行次現一切智已下五句明正道益相就自陳來意中初一問答明於法體二境界云何兩問答明於用也此兩問答者一直請令說用在甚深第二問答明用雖甚深請其承力就因喻以說就因喻答中初明見佛爲起心之由二從善男子已下明勝境現前起樂心方便三善男子時彼如來已下明如來知機授之以法四善男子我於爾時已下明順教脩行得法之義五我發此心已下明得法行成展轉相續過無不盡義六善男子我初發心來已下明過相既盡遂勝入佛境界無不備七善男子我入此無壞已下正喚善財交現大用不虛之義就此第七句中一問定前情二隨情廣現三汝見此不者明審見虛實也

第二十

眞實之士一分滿足妙息名詮名不可稱寂相無求名知足城依空起用塵所不辱名出家外道機無不

稱名隨順一切衆生法名至一切處法門就外道答中初答名以顯體二無依無作已下廣辨用相三此知足城已下明用無用相故乃衆生莫知是誰也既言用無用相則邪無不盡故特對邪見以明也悉得分別一切衆生三昧者明前分身由定而生也出生者正明分身遍在諸趣也其有見者明現而成益也長養者總明益相住一切劫已下別明益也謂一者起願二者成行三不著一句隨順一句名曰解也具足一句明於德也

甘露味國長者青蓮花香第二十一

自此已下是第二勝進方便行當應是十迴向之別義也救護一切衆生令人樂見道無不被故就甘露味國及其香花以辨其相法名一切諸香也善財進行中初六句明厭世心成次常樂兩句明濟世心成次供養一句明信心行相次真實一句明十住行相欲得一句十行行相滿足者迴向行相於一切劫一句十地行相詣一切佛一句佛盡行相入一菩薩二句普賢行相悉聞兩句明性起行相向無上道者猶

●若疑者

●案下一有
一樂二字

是念當得也次志求五句念佛法也次欲淨五句明念佛行也就知識答中初明香體相別不同二彼香生起已下明成香根本亦皆備達就此句中初則總知原起成香所由次人中已下別就報位明於因別及以用相優劣不同也不善習氣者盡明離悞心煩惱真戒之香也此即總也五欲一除煩惱二降伏三斷一四離三五此即除三鄣之差別也無染著者猶成前慧香之句也具足已下明戒香具足也故此文中句雖有十總唯解行香也

樓閣城海師名自在第二十二

法名大悲幢淨行法門蓋以不壞之行勝出無染故名自在也不可壞乘者佛乘也離二已下正辨不壞之相也寂滅樂者住無樂也遠離者過凡故不壞也得菩薩等者明過凡所得也道者猶菩提莊嚴者福德也薩婆若泯者一切種智也成就等者一切智也就知識答中初則答名以顯法體二在此海邊已下廣明用相就此用中初明隨事興益若無不除二我知海中已下稱理實觀真化亦滿就初句中初明益

相二善男子已下總結益相以示善財就眞化之中判亦同此

可樂城長者名無上勝第二十三

法名成就至一切趣菩薩淨行莊嚴法門言至一切趣者猶是等諸佛迴向之別名也慈悲一句潤澤二句離煩惱三句心不放逸四句拔不善五句精進六句脩習七句慧光八句滿足九句充滿十句趣一切智十一句然此十一句中精進已下他分行也就答中初答名以顯法體二行等已下假徵以顯用也無依無作者略明法體相根眞僞也諸神通者總句也普眼者天眼也知悟者天耳也神力者神足也具足者宿命也離諍者漏盡也廣長舌者他心通也分別等者三明也

難忍國迦陵伽婆提城比丘尼名師子奮迅第

二十四

法名菩薩一切智底法門者猶是至一切處迴向義也問答可解也

國名嶮難城名寶莊嚴女人名婆須蜜多第二

十五

法名離欲實際清淨法門者卽是五地捨妄會旨隨用清淨無盡功德藏義也就善財進習中大慧一句長養二句一心三句建立四句廣脩五句爲衆六句方便七句滿法八句明淨九句諸通十句究竟十一句次第差別相在可知也就問答中初問答明於法體及用相差別第二問答明得法原由及處所不同也答名者卽是顯體也若天等者卽是用也入安樂城者答於所問奉妙天冠者訓於脩請也

城名首婆波羅長者名安住第二十六

法名不滅度際菩薩法門者蓋是隨順平等善根義也我開者明其相也境界者談於用也一念知三世總也念際等別也念者念成就劫者想成就隨順者慧成就淨莊嚴者智成就成就者行成就分別者道成就也

光明山觀世音菩薩第二十七

法名大悲法門者卽是隨順等觀一切衆生義也住在西阿者欲明其人大悲內勳近茲永夜接化故也

◆靈經作空

◆過難遇

及諸佛法者。十力等也。法流者。無生流也。彼諸佛法及莊嚴等者。報身差別也。不思議業者。應身也是。如來者。即是佛也。法雲者。卽法師也。功德者。行教益時也。十力者。得果也。次難見難過。已下四句。明其知識能生正道真益。是故難遇也。就其答中。成就大悲法門者。答名以顯體二教化。已下明其大悲隨化之相。三善男子。我行已下。明其大悲益利差別也。就其益中。初除此世苦。二復次已下。除他世苦也。十八恐怖者。猶是十八怖畏也。就此十八中。初五怖畏者。皆是煩惱畏中之差別也。貧窮不活。諍訟畏者。不活中差別也。大衆可知生死等三者。惡道之別也。不同等三者。惡業畏也。次身心等三者。總明前畏其唯身心兩門也。嶮道者。當似賊難等。嶮非同五道之嶮也。普賢者。總也。餘之八流名曰別也。善根者。戒也。劫者。慧也。成敗等者。利他行也。除生死者。令物滅苦也。菩薩行者。不住道也。然此諸行皆是展轉相續。能汎行者。終到大果故名流也。

東方菩薩名正趣來詣此金剛山頂第二十八

◆味難味

法名菩薩普門速行法門者。此卽如相迴向之真義也。寔以此門深證無生妙合。先際故言東方來入此會也。又此一行迹是空門明相殄息。故及善財更無南遊之事也。普於十方者。總清淨等者。別也。清淨一句。分別二句。滿一三句。順一切法四句。等觀三世五句。說平等六句。不著七句。無著無礙八句。然此八中。初二句法身也。次三句應身也。此卽身業之相也。說平等者。口業也。不著兩句意也。

城名婆羅婆提天名大天第二十九

法名雲網法門者。卽是無著解脫不住道義也。正念一句。一向二句。出生三句。精進四句。得不五句。決定六句。三昧七句。陀羅八句。大願九句。諸辨十句。諸力十一句也。四無礙智演說無窮名曰長臂。說成究竟名以水洗面也。

闍浮提內摩竭提國有道場神名安住第三十法名不可壞藏法門者。卽是法界無量天眞常住出生之義也。寔以此行迹參證位明相漸息。故乃方中更無南東之號。又復行熟將入佛家。故在闍浮提摩

竭國也

閻浮提內城名迦毗羅婆有夜天名婆婆婆陀
第三十一

◆於字疑剩

◆初等三字
原○顯字
明或印缺下

自此已下有十二階明教脩成就行成故堪爲知識
就此十二階中初十階明菩薩行因滿足次摩耶一
人明菩薩行體亦集末慈氏一人明行果究竟前十
階者即是十地之別名也然此地德皆是體證無漏
自在無礙返跡重昏塵所不辱儀相是於故此十階
之知識皆以夜天爲名旣言無漏則是入佛境界不
離本處理在決定故所住處皆在閻浮及摩竭不遠
等也法名成就菩薩光明普照諸法壞散衆生愚癡
法門者即是初地智慧之自在也就夜天答初問中
初問中初則顯其問合二我已成就已下正答已證
法體差別三善男子我於惡衆生已下廣明已證行
相不同就此廣明行相中初長行後偈頌就長行中
初明大慈與樂二善男子我常如是思惟已下明拔
水陸閻溺之苦三我爲一切衆生已下明能化物除
結斷集四若有衆生迷於十方已下明濟以道益五

◆能一作是

善男子我見貧苦已下謂能令衆生尅滅滿足若總
而束之則初之三句明慈悲具足成光明之用餘之
二門明化衆生脩道剋滅成壞敬之能也就重頌二
十一偈中初五偈勸脩四無量餘十六偈勸脩六根
及與通明成法身淨報除苦剋滅以出長夜之滯也
次第二問又近者蓋明初地已上眞寂緣起妙出始
終故偏有此問不同前三十之知識也就答中初明
過去久脩先際行立以答發心之早晚二善男子爾
時玉女豈異人乎已下明會通更脩彰後際德備以
訓得法之時節旣能二際之行具攝在已則便古今
平等妙出始終成無之久無近之近自在畢竟也自
下知識久近之義例如此判若明成行之位階降之
相以釋者則義亦無嫌也我唯知此已下彰高推有
在次善財以偈讚嘆者明解順虛宗自幸利深仰讚
供養酬恩故也此亦彰得法之淺深獲利之階降然
矣就讚辭十偈中初四偈明彼夜天報身圓滿三業
清淨次三偈明三業自在說無窮以彰極妙也

閻浮提內有摩竭國有夜天名甚深妙德第三